

Izvjestaj o radu Uprave policije MUP-a Kantona Sarajevo za mjesec februar 2023. godine

KRIMINALITET

STATISTIČKI POKAZATELJI

U mjesecu februaru 2023. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 316 događaja sa obilježjem krivičnog djela (što je za 15 ili 5% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 150 ili 47,5% je evidentirano po poznatom izvršiocu, a 166 ili 52,5% po nepoznatom izvršiocu.

Od 166 događaja sa obilježjem krivičnog djela evidentiranih po nepoznatom izvršiocu, naknadno je rasvijetljen 71 ili 42,8% (što je za 11,2% više u odnosu na uporedni mjesec) od čega su 32 evidentirana u mjesecu februaru, a 39 je iz ranijeg perioda.

Uprava policije MUP-a KS je nadležnim tužilaštvima prosljedila na odluku putem administrativnog djelovodnika ukupno 113 obavijesti (64 manje) o događajima u kojima je pričinjena neznatna materijalna šteta.

STATISTIČKI POKAZATELJI DOGAĐAJA SA OBILJEŽJEM KRIVIČNOG DJELA
U MJESECU FEBRUARU 2023/22. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode	
	Ukupno	od toga		Ukupno	od toga iz ranijeg perioda	Ukupno	od toga			
		po poznatom izvršiocu	po NN izvršiocu				maloljetnici	povratnici		
FEBRUAR 2023. GODINE	316	150	166	71	39	196	7	96	64	
FEBRUAR 2022. GODINE	301	143	158	50	41	175	3	105	69	
<i>uporedba</i>	+/-	15	7	8	21	-2	21	4	-9	-5
	%	5%	4,9%	5,1%	42%	-4,9%	12%	133,3%	-8,6%	-7,2%

Tokom februara ove godine prijavljeno je 196 lica (21 više), 96 povratnika u vršenju krivičnih djela (devet manje) ili 49% od ukupnog broja prijavljenih lica, sedam maloljetnika (četiri više), a 64 lica su lišena slobode (pet manje).

Za događaje sa obilježjem krivičnog djela, koji su evidentirani u mjesecu februaru 2023. godine, prema izjavama oštećenih lica, nastupila je materijalna šteta u ukupnom iznosu od 514.508,13KM i 2.350,00 € (u februaru prethodne godine iznosila je 596.801,00 KM i 10.000 €).

**TABELARNI PREGLED DOGAĐAJA SA OBILJEŽJEM KRIVIČNOG DJELA U MJESECU FEBRUARU 2023/22. GODINE
NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a**

KZ FBiH-a i KZ BiH-a	FEBRUAR 2023. GODINE	FEBR. 2022. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijtjenih događaja	
			+ / -	%			broj	%
Protiv života i tijela	11	14	-3	-21,4%	9	2	0	0%
Protiv slobode i prava čovjeka i građanina	27	19	8	42,1%	25	2	1	50%
Protiv spolne slobode i morala	2	0	2	---	2	0	0	---
Protiv braka, porodice i mladeži	20	17	3	17,6%	20	0	0	---
Protiv zdravlja ljudi	33	25	8	32%	33	0	0	---
Protiv privrede, poslovanja i sigurnosti platnog prometa	2	0	2	---	2	0	0	---
Protiv radnih odnosa	3	0	3	---	3	0	0	---
Protiv imovine	169	184	-15	-8,2%	18	151	68	45%
Protiv okoliša	0	1	-1	---	0	0	0	---
Protiv opće sigurnosti ljudi i imovine	10	9	1	11,1%	3	7	1	14,3%
Protiv sigurnosti javnog prometa	9	13	-4	-30,8%	9	0	0	---
Protiv pravosuđa	8	4	4	100%	5	3	1	33,3%
Protiv javnog reda i pravnog prometa	16	10	6	60%	15	1	0	0%
Protiv podmićivanja i KD protiv služb...	2	2	0	isto	2	0	0	---
Dogovor, pripemanje, udruživanje i organizirani kriminal (KZBiH)	1	0	1	---	1	0	0	---
ZONDINOIM-a (Sl.novine KS br.01/18)	3	3	0	isto	3	0	0	---
UKUPNO		301	15	5%				42,8%

U mjesecu februaru 2023. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 15 ili 5%. Povećanje je zabilježeno u oblastima protiv slobode i prava čovjeka i građanina (za osam događaja), zdravlja ljudi (za osam), javnog reda i pravnog prometa (za šest) itd., dok je smanjenje evidentirano u oblasti protiv imovine (za 15 događaja), sigurnosti javnog prometa (za četiri), života i tijela (za tri događaja), itd.

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

U mjesecu februaru 2023. godine evidentirano je 11 događaja sa obilježjem krivičnog djela iz oblasti protiv života i tijela (tri manje u odnosu na februar 2022. godine) i to devet po poznatom i dva po nepoznatom izvršiocu. Evidentirani su sljedeći događaji:

- teška tjelesna ozljeda (član 172. KZ FBiH) – šest (dva više),
- lahka tjelesna ozljeda (član 173. KZ FBiH) – pet događaja (tri manje).

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica, od koji su dva povratnika ili 18,2% i jedno maloljetno lice.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 27 događaja sa obilježjem krivičnog djela (osam više) i to: ugrožavanje sigurnosti – 26 i neovlašteno optičko snimanje – jedan događaj, za koja je prijavljeno 26 lica, od kojih je osam povratnika (ili 30,8%), a pet je lišeno slobode.

PROTIV BRAKA, PORODICE I MLADEŽI

Iz oblasti krivičnih djela protiv braka, porodice i mladeži u mjesecu februaru evidentirano je 20 događaja sa obilježjem krivičnog djela (tri više) i to nasilje u porodici – 18, oduzimanje djeteta ili maloljetnika i zapuštanje ili zlostavljanje djeteta ili maloljetnika – po jedan događaj, za čije izvršenje je prijavljeno 21 lice, od čega je osam povratnika (ili 38,1%), a 17 lica je lišeno slobode.

PROTIV ZDRAVLJA LJUDI

Evidentirana su 33 događaja sa obilježjem krivičnog djela iz oblasti protiv zdravlja ljudi (osam više) i to:

- neovlaštena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 31 događaj.

Nadležnom tužilaštvu podneseni su službeni izvještaji protiv 33 lica, među kojima je 17 povratnika (ili 51,5%), a 17 lica je lišeno slobode.

Policijski službenici Uprave policije su u mjesecu februaru 2023. godine, Kantonalnom tužilaštvu Kantona Sarajevo podnijeli službeni izvještaj protiv tri lica, zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Heroin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime su počinili krivično djelo iz člana 238. KZ FBiH (Neovlaštena proizvodnja i stavljanje u promet opojnih droga), a protiv 31 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Ecstasy”, itd.) čime su počinili krivično djelo iz člana 239. KZ FBiH (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU FEBRUARU 2023/22. GODINE

vrsta opojne droge	FEBRUAR 2023. godine	FEBRUAR 2022. godine
Marihuana (u gramima)	3.556,325	1.545,653
Marihuana (paketići)	57	15
Kokain (u gramima)	6	---
Kokain (paketići)	6	---
Heroin (paketići)	---	15
Amfetamin (u gramima)	108,506	905
Amfetamin (paketići)	12	---
Speed (paketići)	5	8
pribor sa ostacima droge	13	7

PROTIV IMOVINE

Evidentirano je 169 događaja sa obilježjem krivičnog djela protiv imovine (18 po poznatom i 151 po nepoznatom izvršiocu) što je za 15 ili 8,2% manje u odnosu na isti mjesec prošle godine. Iz ove oblasti evidentirani su sljedeći događaji sa obilježjem krivičnog djela:

- o teška krađa (član 287. KZ FBiH) – 59 (22 manje),
- o krađa (član 286. KZ FBiH) – 68 (24 više),
- o oštećenje tuđe stvari (član 293. KZ FBiH) – 15 (jedan više),
- o razbojništvo (član 289. KZ FBiH) – 13 (četiri manje),
- o prijevarama (član 294. KZ FBiH) - tri (sedam više), itd.

Nadležnom tužilaštvu podneseni su službeni izvještaji protiv 62 lica, od kojih je 47 povratnika (ili 75,8%), a 17 je lišeno slobode.

Od ukupno 151 događaja sa obilježjem krivičnog djela evidentiranog po nepoznatom izvršiocu iz oblasti protiv imovine, naknadno je rasvijetljeno 68 ili 45%, što je za 13,5% više u odnosu na februar 2022. godine.

Evidentirao je 59 događaja sa obilježjem krivičnog djela teških krađa, 20 je izvršeno u stambene objekte (osam manje), 18 u motorna vozila (otuđenja motornih vozila i "provale"- isti broj), 17 u poslovne objekte (četiri manje), itd.

U februaru je evidentirano otuđenje jednog motornog vozila (isto kao u uporednom mjesecu), kao i pronalazak i vraćanje dva vozila, od čega je jedno otuđeno u ranijem periodu.

Evidentirano je 68 događaja sa obilježjem krivičnog djela krađe (24 više) i to na ulici – 29, u poslovnim prostorijama – 17, u vozilima i na stajalištima GRAS-a – osam, u stambenim objektima – šest, itd. odakle su otuđivani novčanici, mobiteli, prehrambeni proizvodi, gorivo, autodijelovi itd.

Tokom februara evidentirana su četiri događaja sa obilježjem krivičnog djela teških krađa na naročito opasan ili naročito drzak način (pet manje), pri čemu su izvršiocu, upotrebom fizičke snage (otimanjem i trganjem) u tri i prijetnjom u jednom slučaju, otimali mobitele i novac, a evidentirani su: na ulici – dva, u ugostiteljskom objektu i na benzinskoj pumpi – po jedan događaj. Nadležnom tužilaštvu podneseni su službeni izvještaji protiv dva lica povratnika u činjenju krivičnih djela.

U februaru ove godine evidentirano je 13 događaja (dva po poznatom i 11 po nepoznatom izvršiocu) sa obilježjem krivičnog djela razbojništva (četiri manje).

Nadležnom tužilaštvu podneseni su službeni izvještaji protiv šest lica - povratnika u činjenju krivičnih djela, a pet lica je lišeno slobode.

Od ukupno 11 događaja razbojništva evidentiranih po nepoznatom izvršiocu, naknadno su rasvijetljena tri ili 27,3% (što je za 6% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - šest, prijetnjom upotrebe noža ili drugog oštrog predmeta – četiri i upotrebom fizičke snage – tri puta, a počinjena su u sportskim kladionicama – sedam, na ulici – pet i u prodavnici - jednom. Otuđivan je novac i mobiteli.

PROTIV OPĆE SIGURNOSTI LJUDI I IMOVINE

Iz ove oblasti evidentirano je deset događaja (jedan više) i to: izazivanje opće opasnosti – devet i nesavjesno čuvanje pasa i drugih opasnih životinja – jedan događaj, a nadležnom tužilaštvu podneseni službeni izvještaji protiv četiri lica, a tri su lišena slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – šest i u zatvorenom - tri puta, pri čemu je četiri puta otvorenim plamenom izazvan požar, u dva slučaja je pucano iz vatrenog oružja i u tri slučaja radilo se o lažnoj dojavi o postavljenoj eksplozivnoj napravi u Općinskom sudu Sarajevo. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirano je 16 događaja sa obilježjem krivičnog djela (šest više) i to: nasilničko ponašanje i nedozvoljeno držanje oružja ili eksplozivnih materija - po četiri, krivotvorenje isprave – tri, napad na službenu osobu u vršenju poslova sigurnosti i ovjeravanje neistinitog sadržaja – po dva i povreda mira pokojnika – jedan događaj.

Nadležnom tužilaštvu podneseni su službeni izvještaji protiv 13 lica, šest je lišeno slobode, a četiri su povratnika u činjenju krivičnih djela (ili 30,8%).

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu februaru 2023. godine evidentirano je pet događaja sa obilježjem krivičnog djela, u kojima je učestvovalo sedam maloljetnih lica. U odnosu na isti mjesec 2022. godine povećan je broj događaja sa obilježjem krivičnog djela za dva ili 66,7%, kao i broj prijavljenih maloljetnih lica za četiri ili 133,3%. Prijavljeni maloljetnici su u dobi do 14 godina – jedan, od 14 do 16 – tri, od 16 do 18 godina – tri maloljetnika. Među prijavljenim maloljetnim licima nije bilo povratnika u izvršenju događaja sa obilježjem krivičnog djela.

TABELARNI PREGLED O DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU FEBRUARU 2023/2022. GODINE

mjesec	Broj događaja sa obilježjem krivičnog djela	Broj evidentiranih maloljetnih lica
FEBRUAR 2022. GODINE	5	7
FEBRUAR 2022. GODINE	3	3
<i>uporedba</i>	<i>+2 ili 66,7%</i>	<i>+4 ili 133,3%</i>

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU FEBRUARU 2023/2022. GODINE

događaji sa obilježjem krivičnog djela (KZ FBiH)	februar 2023.	februar 2022.
Lahka tjelesna ozljeda	1	1
Ugrožavanje javnog prometa	1	---
Ugrožavanje sigurnosti	2	---
Udruživanje radi činjenja krivičnih djela	---	2
Nasilničko ponašanje	1	---
UKUPNO	5	3

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca februara 2023. godine na području Kantona Sarajevo evidentiran je jedan događaj aktiviranja minsko-eksplozivnog sredstva (pet u februaru 2022. godine) usljed čega je nastupila materijalna šteta. Preduzimaju se aktivnosti na rasvjetljavanju ovog događaja i pronalaženju učinilaca.

Evidentirana su ukupno tri slučaja anonimne dojava o postavljenoj eksplozivnoj napravi (isto kao u februaru 2022. godine), od toga dva na području općine Centar i jedan slučaj na području općine Ilidža. Nakon KDZ pregleda utvrđeno je da su dojava bile lažne.

POŽARI

Tokom mjeseca februara 2023. godine, na području Kantona Sarajevo registrovano je 11 požara (šest manje u odnosu na isti mjesec prethodne godine), koji su za posljedicu imali materijalnu štetu. Prema statističkim pokazateljima, četiri požara su izazvana namjerno, tri zbog tehničkih nedostataka, dva nehatom, dok uzroci dva požara spadaju u kategoriju ostalih.

Požari su registrovani u:

- stambenom objektu - tri,
- saobraćajnom sredstvu - tri,
- pomoćnom objektu- dva,
- poslovnom prostoru - dva i
- proizvodnom objektu - jednom.

Zbog izazivanja požara nadležnom tužilaštvu podnesena su četiri službena izvještaja iz člana 323 KZ FBiH (Izazivanje opće opasnosti) i jedan iz člana 301 KZ FBiH (Paljevina).

SAMOUBISTVA

U mjesecu februaru 2023. godine na području Kantona Sarajevo registrovano je pet samoubistava.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su dvije puške, dva pištolja, jedna ručna bomba, jedan nož i 280 komada municije različitog kalibra.

U februaru ove godine fizičkim licima izdato je 196 odobrenje za nabavku vatrenog oružja i 183 oružna lista.

JAVNI RED I MIR

Tokom februara 2023. godine u oblasti protiv javnog reda i mira evidentirano je 368 prekršaja (27 ili 7,9 više u odnosu na isti mjesec 2022. godine), a za izvršenje navedenih prekršaja prijavljeno je 384 lica (isti broj kao u 2022. godini), od čega je 106 povratnika u činjenju prekršaja.

Zbog počinjenih prekršaja u oblasti protiv javnog reda i mira izdato je 328 naloga i podneseno 40 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 351 prekršaj (ili 95,4%), a na prekršaje koji su utvrđeni Odlukom općinskih vijeća o javnom redu i miru 17 (ili 4,6%).

Od ukupnog broja prijavljenih lica, prema starosnoj strukturi učinilaca prekršaja, najbrojniji su u dobi između 26 i 35 godina – 173, preko 36 godina – 164, između 19 i 25 godina – 47.

Prilikom narušavanja javnog reda i mira u februaru 2023. godine, nije bilo teže povrijeđenih lica (isto kao u februaru 2022. godine), dok je pet lica lakše povrijeđeno (šest manje u odnosu na isti mjesec 2022. godine).

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC FEBRUAR 2023/2022.GODINA

PREKRŠAJI IZ ZAKONA O JRIM:	februar 2023.	februar 2022.	+ - %
<i>-Tuče</i>	16	33	-17 ili 51,5%
<i>-Naročito drsko ponašanje</i>	36	37	-1 ili 2,7%
<i>-Odbijanje naređenja i omalovaž. pol. služb.</i>	32	14	+18 ili 128,6%
<i>-Prosjačenje</i>	72	141	-69 ili 48,9%
<i>-Svađa, vika, nepristojno ponašanje</i>	10	12	-2 ili 16,7%
<i>-Paljenje petardi</i>	---	---	---
<i>-Uživanje opojne droge na javnom mjestu</i>	35	5	+30 ili 600%
<i>-Ostali prekršaji iz Zakona o JRiM</i>	150	76	+74 ili 97,36%
<i>-Prekršaji prema Odluci općinskog vijeća o JRiM</i>	17	23	-6 ili 26,1%
UKUPNO	368	341	+27 ili 7,9%

Iz tabelarnog pregleda proizilazi da je tokom mjeseca februara 2023. godine, u odnosu na isti period prošle godine, prema strukturi povećan broj sljedećih prekršaja:

- ostali prekršaji za 74,
 - uživanje opojne droge na javnom mjestu za 30 i
 - odbijanje naređenja i omalovažavanje policijskih službenika za 18,
- dok je smanjen broj:
- prosjačenje za 69,
 - tuče za 17,
 - prekršaja koji su regulisani Odlukom općinskih vijeća za 6,
 - svađa, vika, nepristojno ponašanje za 2 i
 - naročito drsko ponašanje za 1 prekršaj.

Prema mjestu izvršenja, najveći broj prekršaja evidentiran je na ulici i na drugim otvorenim prostorima – 351 (95,4% od ukupnog broja), a znatno manje u ugostiteljskim objektima – osam, na ostalim mjestima - sedam, u školama i školskim dvorištima – jedan i u vozilima javnog saobraćaja - jedan prekršaj.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC
FEBRUAR 2023/2022. GODINE

MJESTO IZVRŠENJA	FEBRUAR 2023.	FEBRUAR 2022.	+ - %
Ugostiteljski objekti	8	7	+1 ili 14,3%
Ulice i drugi otvoreni prostori	351	308	+43 ili 14%
Sportski stadioni	---	---	---
Škole i školska dvorišta	1	---	+1
Trgovine i zanatske radnje	---	2	-2
Vozila javnog saobraćaja	1	1	isti broj
Ostala mjesta	7	23	-16 ili 69,6%
UKUPNO	368	341	+27 ili 7,9%

U odnosu na isti mjesec 2022. godine, smanjen je broj prekršaja evidentiranih na ostalim mjestima za sedam i u trgovinama i zanatskim radnjama za dva, dok je povećanje evidentirano:

- na ulicama i drugim otvorenim prostorima za 43,
- u ugostiteljskim objektima za jedan i
- u školama i školskim dvorištima za jedan prekršaj.

Na području Kantona Sarajevo u mjesecu februaru 2023. godine održano je 126 javnih skupova (21 ili 14,3% manje u odnosu na mjesec februar 2022. godine). Policijski službenici Uprave policije proveli su planske aktivnosti u cilju bezbjednog održavanja javnih skupova, a u 38 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu februaru 2023. godine registrovano je 827 saobraćajnih nezgoda (340 ili 69,8 % više), od čega je 771 sa materijalnom štetom (357 ili 86,2 % više) i 56 sa nastradalim licima (17 ili 23,3 % manje).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU FEBRUARU 2023./22. GODINE

	februar 2023	februar 2022	uporedba
UKUPNO SAOBRAĆAJNIH NEZGODA	827	487	+340 ili 69,8%
Saobraćajne nezgode sa nastradalim licima	56	73	-17 ili 23,3%
Saobraćajne nezgode sa materijalnom štetom	771	414	+357 ili 86,2%
POGINULO LICA	3	0	+3
- vozači	1	0	+1
-putnici	1	0	+1
- pješaci	1	0	+1
POVRRIJEĐENO LICA	67	96	-29 ili 30,2%
- vozači	34	50	-16 ili 32%
- putnici	18	29	-11 ili 37,9%
- pješaci	15	17	-2 ili 11,8%

U naselju su registrovane 733 saobraćajne nezgode (dvije sa poginulim, 50 sa povrijeđenim licima i 681. sa materijalnom štetom), van naselja 94 nezgode (četiri sa povrijeđenim licima i 90 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU FEBRUARU 2023. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	2	7	43	681	733	3	10	53
van naselja	0	0	4	90	94	0	0	4
UKUPNO	2	7	47	771	827	3	10	57

Prema kategoriji puta, najveći broj saobraćajnih nezgoda registrovan je:

- na ulicama u naselju - 468 nezgoda u kojima su 44 lica nastradala (jedno poginulo, 43 lica povrijeđena, šest teže i 37 lakše),
- na lokalnim putevima - 154 u kojima je sedam lica povrijeđeno (jedno teže i šest lakše),
- na magistralnim putevima - 87 nezgoda u kojima je 14 lica nastradalo (dva lica poginula, 12 lica povrijeđeno, tri teže i devet lakše),
- na regionalnim putevima - 31 (tri lica lakše povrijeđeno),
- na putevima koji se ubrajaju u kategoriju ostalih - 87 nezgoda u kojima su dva lica lakše povrijeđena.

POSLJEDICE SAOBRAĆAJNIH NEZGODA

Tokom februara 2023. godine, u saobraćajnim nezgodama na području Kantona Sarajevo 70 lica je nastradalo (26 ili 27,1 % manje), od čega su tri poginula (u mjesecu februaru prošle godine nije bilo

poginulih lica) i 67 lica povrijeđeno (29 ili 30,2 % manje), od čega 10 teže (tri ili 23,1 % manje) i 57 lakše (26 ili 31,3 % manje).

LICA POVRIJEĐENA U SAOBRAĆAJNIM NEZGODAMA

Od ukupno 67 povrijeđenih lica u mjesecu februaru 2023. godine, godine evidentirana su: 34 vozača (četiri teže i 30 lakše), 18 putnika (četiri teže i 14 lakše) i 15 pješaka (dva teže i 13 lakše).

Starosna struktura nastradalih lica u saobraćajnim nezgodama je sljedeća:

- ispod 6 godina - jedno lice,
- od 6 do 9 godina - jedno,
- od 15 do 17 godina - jedno,
- od 18 do 20 godina – četiri,
- od 21 do 24 godine -12,
- od 25 do 30 godina -13,
- od 31 do 40 godina - 12,
- od 41 do 50 godina -12,
- od 51 do 65 godina - šest,
- 66 i više godina - pet,
- nepoznata starosna dob - tri lica.

Starosna struktura nastradalih vozača u saobraćajnim nezgodama je sljedeća:

- od 18 do 23 godine - pet lica,
- od 23 do 30 godina - osam,
- od 30 do 40 godina - 10,
- od 40 do 50 godina - devet,
- od 50 do 60 godina – dva,
- 60 i više godina – jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, uzroci saobraćajnih nezgoda su:

- neprilagođena brzina - 80 (17 lica povrijeđeno, dvoje teže i 15 lakše),
- uticaj alkohola - četiri (jedno lice lakše povrijeđeno),
- ostali uzroci - 743 (tri lica poginula, 49 lica povrijeđeno, osam teže i 41 lakše).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca februara 2023. godine, policijski službenici Uprave policije MUP-a Kantona Sarajevo kontrolisali su:

- 14.601. vozilo i vozača (2.145 manje),
- 5.424 lica u vozilima (1.028 više),
- pregledali 356 vozila (240 manje) i 303 lica u vozilima (77 manje).

Zbog tehničke neispravnosti iz saobraćaja je isključeno 51 vozilo (dva manje), 288 vozača je zatečeno da upravljaju vozilom pod dejstvom alkohola (107 manje), 332 lica bez korištenja sigurnosnog pojasa (252 manje), 167 vozača bez položenog vozačkog ispita (38 više), 53 vozača pod izrečenom zaštitnom mjerom (20 manje), 285 vozača je zatečeno da koriste mobilne telefone tokom vožnje (33 više) i 2.889 vozila koja su učestvovala u saobraćaju bez važeće registracije (2.756 više).

Zbog kršenja propisa iz oblasti sigurnosti saobraćaja uručeno je 19.407 prekršajnih naloga vozačima (3.615 ili 22,9 % više u odnosu na mjesec februar prošle godine) i podneseno 246 zahtjeva za pokretanje prekršajnog postupka (52 ili 26,8 % više).

Tokom izvještajnog perioda nije bilo oduzimanja motornih vozila od višestrukih povratnika u vršenju prekršaja iz oblasti ZOOBS-a.

MIRUJUĆI SAOBRAĆAJ I KONTROLA PJEŠAKA

Policijski službenici su tokom mjeseca februara 2023. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 10.034 prekršajnih naloga (939 više), upozoreno je 167 vozača (67 manje), a specijalnim vozilom "pauk" premješteno je 95 vozila (42 manje).

Takođe, pješacima koji su kršili propise uručena su 184 prekršajna naloga (devet manje), a upozoreno je 11 pješaka (21 manje).

ZAKONITOST U RADU

Tokom mjeseca februara 2023. godine, registrovana su četiri pojedinačna napada (tri više) na policijske službenike Uprave policije MUP-a Kantona Sarajevo, u kojima su učestvovala četiri punoljetna lica, koja su koristila fizičku snagu.

Registrovana su četiri slučaja opravdane upotrebe sile.

Razmatrane su 23 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za šest predstavki (pet više) provede unutrašnja istraga, za 15 predstavki je odlučeno da se izvrše provjere i prikupi dokumentacija, a za dvije predstavke da su neosnovane.

Od 23 razmatrane predstavke, 17 su podnijeli građani, dok šest predstavki predstavljaju saznanja iz službe.

Okončano je 10 unutrašnjih istraga, od čega je šest bilo bez dovoljno dokaza, jedna istraga je neosnovana, dok je u tri slučaja istraga prekinuta.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policijci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, nevladinih i drugih organizacija, osiguravali stvaranje povoljnog ambijenta za život svih kategorija stanovništva.

Za učenike osnovnih i srednjih škola na području Kantona Sarajevo održano je 39 edukativnih radionica sa slijedećim temama:

- „Djeca u saobraćaju“,
- „Stop vršnjačkom nasilju“,
- „Cyberbullying“,
- „Oružje ne štiti, oružje ubija“,
- „Stop drogama“,
- „Borba protiv trgovine ljudima“,
- „Lopov uvijek bude otkriven“
- „Policajac moj prijatelj“.

Navedenim edukacijama prisustvovala su 1.752 učenika osnovnih i srednjih škola.

Policajci u zajednici su pratili poštivanje izrečenih zaštitnih mjera od strane Općinskog suda u Sarajevu iz oblasti nasilja u porodici. S tim u vezi, obilazili su i kontaktirali žrtve nasilja kao i nasilnike, kako bi osigurali poštivanje izrečenih mjera, veći stepen sigurnosti za žrtve i preventivno djelovanje na eventualno ponavljanje nasilja.

MIGRANTI

Na osnovu Izvještaja Operativnog tima za pitanja migranata, a prema podacima Međunarodne organizacije za migracije (IOM) na području Kantona Sarajevo u prihvatnim, azilantskim i imigracionim centrima trenutno boravi cca 520 migranta (što je za 3.508 ili 87,1% manje u odnosu na februar 2022. godine).

U mjesecu februaru 2023. godine migranti su učestovali u jednom događaju sa obilježjem krivičnog djela, i to razbojništvo (osam ili 88,9% manje).

TABELARNI PREGLED OSNOVNIH STATISTIČKIH POKAZATELJA O MIGRANTSKOJ POPULACIJI

MJESEC FEBRUAR 2023. GODINE	KANTON SARAJEVO
UKUPAN BROJ MIGRANATA KOJI BORA VI NA PODRUČJU KANTONA SARAJEVO (SLOBODNA PROCJENA I PODACI IOM-a)	520
UKUPAN BROJ KONTROLISANIH MIGRANATA	28
BROJ MIGRANATA LIŠENIH SLOBODE	2
BROJ KRIVIČNIH DJELA POČINJENIH OD STRANE MIGRANATA	1
BROJ PREKRŠAJA POČINJENIH OD STRANE MIGRANATA	0
BROJ INCIDENATA POČINJENIH OD STRANE MIGRANATA	1
BROJ MIGRANATA KOJI SU VRAĆENI IZ SUSJEDNIH DRŽAVA	0
BROJ AKCIJA POLICIJE VEZANIH ZA KRIJUMČARENJE ILEGALNIH MIGRANATA	0
BROJ MIGRANATA PREDATIH U IMIGRACIONI CENTAR ILI SLUŽBI ZA POSLOVE SA STRANCIMA	1

Sarajevo, 15.03.2023. godine

Odjeljenje za odnose s javnošću